

正本完

以

正黃旗滿洲  
世職大臣傳  
四



何

弟以校閱送

願副本

非

言

八旗通志初集卷之一百四十九

名臣列傳九

正黃旗滿洲世職大臣四

圖海

圖海。滿洲正黃旗人。姓馬佳氏父名穆哈達天資忠慤。

具文武材。初事

世祖章皇帝。為內國史院侍讀。順治八年。陞內秘書院

學士。遇九年

恩詔。授拜他喇布勒哈番世職。十年。晉內弘文院大學

章



世居分地方

士充議政大臣。十二年二月，以恪勤職業，股肱贊襄，加太子太保，旋以刑部事關係重大。

命管理刑部尚書事。十四年，緣事罷。十八年正月，世祖上賓，遺命圖海宜任以重地。

聖祖仁皇帝嗣位，即於是年十月，補圖海正黃旗滿洲都統。康熙二年，奉

命為定西將軍，同靖西將軍穆里瑪，率禁旅會川湖之師，征流寇餘孽郝搖旗、劉汝魁、李來亨等。至湖廣，有賊兵三千餘，夜犯總兵官俞奮<sub>奮</sub>起營，親率

官兵分路截殺，敗之。賊又犯總督李國英營，遣副都統赫葉擊敗之。又有二千餘賊犯提督鄭蛟麟營，遣署護軍統領瓦岱等擊敗之。賊又犯

署護軍統領根特巴圖魯、夸蘭、大沙津、達禮、薩

賴、總兵官于大海等，遣署護軍統領哈克山等。

分兵援勦，俱敗之。既而郝搖旗、劉汝魁等相繼

破滅。惟李來亨擁眾茅蘆山<sub>麓</sub>，最為險峻。圖海因

與穆里瑪率兵晝夜環攻，盡誘其餘寇殺之。三

年八月，李來亨闔門縊死，自焚其巢，得其山寨。

誘執偽新樂王。及偽將軍一員。總兵官三員。副將二員。推官一員。賊兵六十一人。盡殺之。得偽銀印一。又招降偽公侯二。將軍一。總兵以下偽官五百八十餘員。兵八千八百餘人。家口三千餘衆。而還。六年二月。陞補內弘文院大學士。加世職為一等阿達哈番。七年十二月。以南懷仁稱吳明烜儀象。差錯與大臣等同往測驗。八年七月。以亢旱。奉

命同內大臣伯費揚古等。會同刑部。將擬定重犯覆審。

酌量減等。九月。自以兼任都統事繁。奏言臣以一身而膺二任。才愧兼長。且非國家文武分途之制。乞解機務。專力戎行。得

旨慰留。十二年十二月。奸民揚揚起。詐稱朱三太子。謀

聚衆為亂。正黃旗下周公直家人陳益與馬公直呈首其事。言現有不識面之兇徒數十人。在其家。即領官兵圍其宅。悉擒之。是年冬。吳三桂反。十三年。耿精忠繼叛。南方用兵。軍需浩繁。特命以大學士兼理戶部尚書事。十四年三月。因上疏

聖諭禁止。有司未能實心奉行。應勅督撫嚴禁。一應軍

需不得私派派夫役。不得先期拘禁徵收錢糧。正

項外。不得絲毫科歛歛民間詞訟。除重情速審速

結外。其餘戶婚婚細事。不得濫准。牽累無辜。並禁

衙蠹作奸。指公需索。土豪惡棍。魚肉善良。庶幾

安居樂業。民不知兵。

聖祖是之。命速行通飭。是時察哈爾布爾尼。乘吳逆作

亂。劫其父阿布奈。興兵造反。從嫁公主長史辛宰

柱等赴

京奏聞。

聖祖命多羅信郡王鄂札為撫遠大將軍。以圖海為副

將軍。帥師往討。四月癸巳。啓行。己酉。次岐爾哈

泰。聞賊屯達祿。因率輕騎前進。次日直抵其地。

布爾尼設伏山谷。率兵三千拒敵。圖海同多羅

信郡王等議將八旗滿洲蒙古烏喇盛京土默

特官兵過山谷。勦殺。挨次檣前進。忽敵賊兵一隊二

百餘騎。從山溝突出迎戰。撓亂我土默特兵。即

令護軍統領哈克山。副都統吳丹。洪世祿。委署前鋒統領達克沙哈等。分頭進擊。親督陣指揮。並後至賊四百擊敗之。布爾尼復率兵三千。排齊馬鎗軍器拒敵。圖海同信郡王議。將八旗滿洲蒙古烏喇盛京官兵。排列整齊。復令護軍統領哈克山等。分頭進擊。仍親行督陣。擊敗之。布爾尼復聚敗兵千餘。合伊馬鎗兵拒敵。同信郡王親督八旗官兵。分頭進擊。敗之。布爾尼合伊潰散兵二百餘人。哨聚岡上拒敵。仍親督官兵

進擊敗之。大獲馬鎗盜甲兵器。又招撫察哈爾民一千三百餘戶。布爾尼兄弟。僅以三十騎遁去。其弟炊札布等。亦皆散走。辛亥。聞郡主留居瓦子府東三十里。遣官兵迎歸。捷聞。得

旨嘉獎。下部議敘。由一等阿達哈。哈。番。優給一等阿思哈。尼。哈。番。十五年二月辛酉。

聖祖特諭兵部。大將軍貝勒董額等。屯兵平涼日久。賊寇尚未勦滅。城池尚未恢復。夫秦省不能即定。川賊尚在窺伺者。皆由王輔臣未勦滅。平涼未克取故也。

其以都統大學士圖海為撫遠大將軍。率每佐領護軍二名。亟赴陝西。總轄全省滿漢大兵。斷賊餉道。勦滅平固逆孽。速靖地方。大將軍抵平涼時。盡收各將軍敕印。遇有分遣。酌量給付。其貝勒董額以下。悉聽大將軍節制。三月。統領大兵直抵平涼城下。大揚兵威。壁壘旌旗。倍加精彩。城中震懾。諸將請乘賊衆氣奪。即行攻城。圖海謂我奉天威討此逆豎。何患不克。但念城中百姓。皆朝廷赤子。一旦誤遭逆豎劫持。以至於此。若即攻城。

恐多殺戮。賊倘能向化歸誠。全此十萬生靈。不更美乎。城中軍民聞之。莫不感激。咸思自拔。以出賊勢日衰。平涼城北有虎山墩。地勢最高。俯瞰城中。如在掌股。賊用精兵據守。以通西北一路糧運。圖海親率諸將。周覽城外形勢。因謂此賊咽喉要地。即率官兵攻之。賊衆萬餘來拒。步前馬後。布列火器。挨牌以死固守。因飭我兵分路進擊。自己訖午。大敗賊衆。斬偽總兵二人。餘賊被傷及墜崖死者甚衆。遂奪其墩。獲馬匹器。

仗無算。從墩上發大礮擊之。及其營署。城中動靜。無不畢睹。賊衆惶懼無策。又餉道已絕。始登城乞降。捷。

聞。下部議敘。六月壬子朔。疏言臣統兵抵平涼。大敗賊於平涼城下。即遣劄授叅議道周昌。入城招撫。王輔臣。輔臣隨遣其副將謝乞降。恭俟。

恩命。

聖祖命頒赦詔撫慰之。丁巳。圖海接奉恩詔。復令周昌賫。

詔入城。次日。王輔臣遣布政司使龔榮遇等。率士民詣

軍門。獻軍民冊。又遣其子王繼<sub>正</sub>。及偽總兵蔡元等。繳所受吳逆偽勅二紙。偽平遠大將軍印。

陝西東路總兵官將軍印。各一顆。及諸偽劄。因見王輔臣尚懷疑懼。甲子。復遣周昌。并親姪前鋒侍衛保定。前往。溫言開諭。丙寅。王輔臣即親至大營。叩頭謝。

恩。遂入城。薙髮。率衆來降。隨傳令各營嚴勒隊伍。止令副都統吳丹一人。領數騎入城安撫。秋毫無犯。

念百姓無辜。身陷賊中。橫遭塗炭。即飭令地方有司。多方賑卹。收掩胔骼。其婦孺避亂在城。流離困苦者。各令報明鄉貫。遣親信將士護送。交與地方官安插。毋致失所。遠邇帖然。反側者聞風來歸。固原偽巡撫陳彭。慶陽偽總兵官周揚名。嘉峪關偽總兵官王好問。關山偽副將孔印雄。及雲南土司總兵官陸道清等。各率所屬官兵。相繼來降。戊寅。捷䟽至。奉旨。大將軍圖海。恭承簡命。秉鉞臨邊。即宣布恩威。勦撫

並用。平涼一帶。旬月綏平。俱見籌畫周詳。布置神速。克副委用。立奏膚功。朕心深為嘉悅。着從優議敘。有功人員。一併議敘具奏。王輔臣既感戴國恩。悔罪投誠。着復其原官。加太子太保。擢靖寇將軍。立功贖罪。部下官弁。照銜給劄。兵民酌量安插。七月戊申。䟽報秦州樂門等處。逆賊橫行。臣遣振武將軍佛尼勒。提督張勇。王進寶等。統滿漢兵會勦。賊不能支。偽將軍吳之茂。於六月二十六日宵遁。我兵追勦。敗賊於牡丹園。復敗賊於西和縣北山。斬

獲無算。吳之茂僅以十餘騎越山而遁。隨奉

特

旨諭吏兵二部云。撫遠大將軍都統大學士圖海。器識老成。才猷練達。贊襄機務。宣力累朝。以文武之長才。兼忠愛之至性。勞績茂著。倚毗良殷。前察哈爾布爾尼。背恩反叛。命圖海為副將軍。統兵征勦。運籌決勝。克振軍威。未及一月。捷功立奏。逆賊殲滅。疆圉救寧。近以平涼等處。阻兵日久。屢命勦撫。罔有成效。特簡圖海為大將軍。總督大兵。節制各路。果爾謀畧淵深。調度得宜。軍鋒所至。一戰克捷。更能體朕好生之

心。宣布恩威。開誠招撫。遂使平涼。慶陽。固原等處。文武官員兵民人等。傾心向化。悔罪歸誠。生民免於塗炭。地方得以安全。數日之間。關隴悉皆底定。皆由籌畫周詳。布置神速。勦撫並用。克建膚功。圖海以心膂大臣。膺秉鉞重寄。實心為國。克副倚任。朕心深為嘉悅。於軍功議敘外。應從優加恩。以示朕眷注忠勤。酬答勲庸至意。着議政王貝勒大臣會同議奏。尋議覆。加封為三等公。世襲罔替。甲寅復疏報。臣遣將軍穆占等。於六月二十七日。進兵樂門。賊遁去。

追勦賊於紅崖等處。恢復禮縣。又慶陽偽總兵周揚名。王好問。偽副將孔印雄等。率所屬文武偽官九百餘員。兵丁四萬八千二百名。有奇。陸續投誠。得

旨嘉獎。

下部議敘。九月。疏請暫停進勦漢中之役。分兵防守諸隘。別遣一軍。進勦湖廣。奉

旨。

圖海即多選精銳。率赴湖廣。勦滅逆賊。丙午。疏奏。平涼慶陽。雖經底定。而投誠兵心。尚未寧貼。漢中興安。尚未恢復。若臣親領精兵赴楚。恐不逞之

徒。心懷叵測。得

旨。

大將軍圖海。著停其前赴湖廣。署前鋒。統領穆占。勤

勞懋著。實授都統。佩征南將軍印。統領陝西河南滿

漢諸軍。前赴湖廣。現在陝西諸將。俱聽穆占會同圖

海揀擇。或從荆南渡江。或由彝陵進勦。或赴岳州。水

陸夾攻。相機行事。十二月戊午。疏言。平涼慶陽。雖已

底定。漢中興安。尚為賊據。臣等議於來春進討。

應先調綠旗官兵。檄提督孫思克。量留兵守涼

州。親統官軍。趨赴秦州。將軍侯張勇。遣兵二千。

亦赴秦州。提督趙良棟量留兵守寧夏。親統官軍前赴鳳翔。將軍王進寶遣兵二千亦赴鳳翔。俱於明年正月二十日內齊集所約之地。得旨。調兵征勦事關重大。令副都統吳丹員外郎馬爾漢等速赴張勇王進寶孫思克趙良棟等軍前。調遣綠旗官兵。或如大將軍公圖海所請。或作何調遣。將軍提督等孰宜親往。作何前進。至恢復漢中興安時。或駐守其地。或徑取四川。逐一公同確議。遣同往章京。馳驛奏聞。十六年正月庚寅。疏言臣等前調綠旗官

兵。本擬於二月內進取漢中興安。今將軍侯張勇等咨稱宜視夏秋收穫豐歉再圖進取。但漢中興安山峻路險。延至彼時。適遇靈潦。賊守益堅。臣等仍欲調兵及時進取得。

旨。

大兵即克復漢中興安。須設重兵。重兵一設。則運餉維艱。若俟夏秋進取。又頗兵曠日。虛糜糧糗。今將軍穆占方勦吳逆。機不可失。大將軍公圖海等暫停漢興之役。留滿洲蒙古兵一萬。同綠旗兵防守秦州諸隘。分兵五千。遣大臣一人統赴荊州。到日。順承郡王

等量留官兵守荆州彝陵諸處乘穆占由岳州長沙  
進取湖南時相機渡江破賊四月己酉疏報招撫韓  
城等縣北山地方偽總兵喬斌等一百餘員下  
部議敘丁巳疏言臣令駐防秦州寶鷄官兵進  
逼縣驛門諸處隨移檄聲言大兵分路進剿今  
欲親統重兵深入四川但恐時多霖雨輸挽艱  
難當俟機會酌量前進得

旨

今將軍穆占協勦長沙貝勒尚善與將軍鄂納水路  
攻岳故逆賊吳三桂親赴長沙集諸路賊兵死守湖

南我兵若乘此機會各路進剿則吳逆指日可滅計  
在陝官兵為數甚多當此逆賊勢分之時若不進逼  
四川則坐糜糧餉殄賊無期大將軍公圖海其仍遵  
前旨速行進發時秦省初定反側未安圖海擬分撥  
各帥彈壓地方然後進川九月

聖

祖諭兵部今廣東底定正當破賊之時亟宜添  
兵平定湖南勦滅逆賊吳三桂項大將軍公圖海報  
我兵已經撤回陝西現有大將軍將軍提督等勦賊  
防汛自無不足且滿洲大兵又復不少宜分滿洲兵

每佐領三名。並酌選將軍提督所部綠旗兵。同京師兵。每佐領三名。遣赴湖廣。其令圖海會同各將軍提督。確議以聞。丙子。圖海等議覆。疏言。臣等本宜撥滿兵。每佐領三名。發往湖廣。但陝西幅帙遼濶。所在並須防汛。今議分滿兵。每佐領二名。酌選三將軍。二提督。標下綠旗兵三千名。同滿洲大兵。付大臣一人。率赴荊州。餘兵分守各隘。得旨。今當秋爽。正進兵破賊之時。大將軍公圖海等。速分滿兵。每佐領二名。委大臣一人。率赴荊州。其綠旗官

兵。可減一千。止撥二千。令原統率官率往。九月辛巳。聖祖御製詩二首。及衣服等物。以賜。十七年二月己未。

疏請進攻四川。先是。疏請濟師。言。今諸路勦賊之際。亦宜進取漢中興安。但臣欲三路進兵。而在秦之兵。若留守諸處要害。則僅可進發一路。請自京增遣大兵。隨奉

聖祖諭。在陝滿兵。為數不少。將軍侯張勇。將軍王進寶。王輔臣。提督孫思克。趙良棟。總兵官高孟。部兵尤多。可與張勇等。公同詳議以聞。至是。疏覆。臣等公議。以

將軍席卜臣。西安副都統翁愛。陝西巡撫杭愛。領兵鎮守省城。將軍畢力克圖。副都統恰塔。領兵守隴州寶鷄關山諸路。內大臣坤巴圖魯侍衛。副都統馬一豹。領兵守潼關。甘肅巡撫鄂善。領標兵。同副都統席廸。即中拉篤祜等。領蒙古兵守秦州。將軍侯張勇。駐莊浪以防邊。四川巡撫張德地。仍留延安鎮守。延綏總兵官高孟。統標兵。備棧道諸隘賊寇。臣親率將軍佛尼勒。署副都統吳丹。鄂克濟哈。都統海爾圖。西安副都

統穆成額。副都統佟世德。將軍王進寶。王輔臣。陝西總督哈占。以滿洲漢軍綠旗兵一萬三千餘人為一路。將軍阿密達。率護軍統領傑殷。副都統覺和托。岑代。四川總督周有德。副都統吳國楨。署副都統張所養。涼州提督孫思克。漢中總兵官費雅達。以滿洲漢軍綠旗兵一萬三千餘人為一路。尅期前進。提督趙良棟。統標兵繼大兵之後。鎮守西和禮縣。得旨。進勦逆賊。固守秦中。皆大將軍公圖海。將軍侯張勇。

將軍王進寶等是賴。應作何留兵固守秦地。使無他虞。作何進取漢興諸處。規定四川圖海等協謀熟計。應機而行。三月丁酉。疏言。臣等遣拉篤祜。轉傳

聖諭。令流番各退歸故巢。已遵旨。陸續出口。但番情叵測。祈遣重臣一員。駐劄蘭州河

西地方。固守三邊。得

旨。將軍張勇。駐劄邊地年久。深知地方情形。着自蘭州

移駐甘州。固守沿邊地方。四月甲戌。奉

諭。旨。卿向在機密重任。澡德浴身。志節高潔。奉命西征。

早清巨寇。宣布德意。兵過之地。秋毫無犯。舊德老成。可謂社稷之臣。前者拉篤祜來。知卿平安。朕心良足。慰也。今因拉篤祜復回汛地。故示朕意。庚寅。疏言。閏

三月二十四日。臣遣振武將軍佛尼勒。叅贊軍

務署副都統吳丹等。大敗賊衆於牛頭山香泉

等處。二十六日。四川總督周有德。叅贊軍務署

副都統覺和托等。大敗賊衆於秦嶺等處。恢復

潼關堡五寨。下部議敘。六月丁丑。疏報。慶陽地

方有賊首袁本秀。受吳逆偽劄。糾合兇徒。盤踞

山林一月之間。聚集千餘人。窺隙作亂。隨發慶陽宜君延安三營官兵。并移咨奮威將軍王進寶。派撥標兵。協力合勦。四月二十二日。追至衛遠溝地方。斬偽總兵袁本秀。及偽副將叅將等。并賊二百餘級。賊潰敗。下部議敘。十二月乙未。疏言。今秦省諸要隘。守禦已固。省城備有援師。臣欲輕騎赴京。面奏事宜。得

旨。圖海携大將軍勅印前來。吳丹仍佩將軍印。暫統大兵。先是提督趙良棟疏言。湖南已經平定。應復漢中

興安。願當一路。竭忠自効。

聖祖命大將軍圖海等確議。十八年五月。疏言。棧道益

門鎮各口。逆賊率衆來犯。據險為營。今令提督

趙良棟。進臨武寨。相機而行。俟臣等擊破益門

諸處賊壘。如有進取之機。酌量分道而行。隨奉

諭旨。湖南逆賊大敗。因蹙遁走。正當勦撫並用之時。大

將軍圖海。與將軍總督提督共議。亟殲侵犯寶雞之

賊。恢復漢興。以平蜀地。七月。疏言。益門鎮逆賊敗走。

臣即遣兵追勦。而賊毀偏橋。無路可通。俟提督

旨

孫思克趙良棟到日。會議進兵。得

逆賊既敗。所在震動。自宜努力窮追。收復疆土。圖海

等。速調提督孫思克。趙良棟等。平定漢中四川諸處。

勦殺逆賊。毋失機會。八月庚寅。疏言。進取漢中興安。

臣等將大兵分為四路。臣與將軍佛尼勒等。由

興安進。總兵官程淵亮為後援。駐守舊縣關諸

處。將軍畢力克圖。提督孫思克等。由略陽進。西

寧總兵官未衣客為後援。駐守西河諸路。將軍王

進寶。漢中總兵官費雅達等。由棧道進。延綏總

兵官高孟為後援。駐守寶雞。寧夏提督趙良棟

由徽州之巴都山進。臣等於九月初八日。四路

並進。疏入。奉

諭旨。今將軍莽依圖等。大敗逆賊吳世琮。平定粵西。進

取雲貴。大將軍安親王。恢復武岡州楓木嶺。擊殺賊

渠吳國貴。大將軍貝勒察尼。由常德進取辰州。將軍

噶爾漢等。自鄖陽進取興安。宜乘賊處處敗衄。逃遁

震動之時。分路撲滅。大將軍公圖海。亟統大兵。乘機

勦撲漢中諸處賊寇。速定四川。如賊敗走。即亟躡其

後直搗窮追。勿使占據險要。十月。王進寶擊敗棧道之賊。恢復漢中。趙良棟擊敗賊衆。恢復徽州。又復略陽。十一月甲辰。

聖祖諭議政大臣等。將軍王進寶冒險前進。首先恢復漢中。提督趙良棟亦恢復徽州。隨取略陽。今乘此破賊之勢。各路官兵。王進寶趙良棟等。作何調遣。前取保寧。平定。四川。可詳加議定。知會大將軍酌量而行。  
尋議覆令大將  
大將軍公圖海率領大兵之半屯駐鳳翔。防守陝西通省。  
通省以護軍統領吳丹為將軍。率大兵之半。繼王進寶趙

此三行低一格

寶趙良棟後。十二月甲子。疏報。十月十五日。臣等率大兵至鎮安縣。探賊在梁河關。分路進剿。令署理西安將軍事務佛尼勒等為頭隊。臣親率護軍統領吳丹等為二隊。行至火神崖。偽總兵王遇隆領兵拒戰。佛尼勒等滿漢官兵奮勇衝殺。渡乾玉河。奪取梁河關。臣等乘勝追剿。偽將軍韓晉卿遁入四川。臣等於十一月初二日至興安州。偽將軍謝四。偽總兵王永世等。併偽文武官。共三百八十二員。兵丁一萬四千三百餘名。

旨嘉獎。下部議敘。是日又疏報平逆將軍畢力克圖等。於十月十四日恢復成縣。偽副將王光生率偽遊擊等官十九員。兵丁三百六十名投誠。恭將康調元等。於十月二十九日恢復階州。偽王將軍等敗走。渡白水江。十一月十六日恢復文縣。偽洮岷道王文行率偽官投誠。已卯疏言。臣欽遵。

諭旨。以建威將軍印。給護軍統領吳丹。同署理西安將軍事務。佛尼勒分統大兵之半以行。又以漢中要地。雖有陝督哈占。率兵屯駐。經理糧餉。然滿洲大兵。不可不留駐守。請於現存半兵內。撥發千人。令署副都統鄂克濟哈。領振武將軍印。同副都統恰塔。鎮守漢中。今鄂克濟哈已赴京師。姑以副都統翁愛代之。俟鄂克濟哈還日。調翁愛往鳳翔。臣率將軍王輔臣。都統海爾圖。副都統索訥木等。亦往鳳翔防守。

詔從所請。十九年正月戊戌。

聖祖諭議政王大臣等。進取四川。以滿洲大兵為後應。最為要策。宜令將軍吳丹繼將軍王進寶之後。將軍鄂克濟哈繼將軍趙良棟之後。陝西已有將軍張勇提督孫思克。巡撫杭愛。巴錫等鎮守。宜令大將軍圖海帥師前赴漢中。接濟進蜀諸軍糧餉。鄂克濟哈率漢中滿兵馳往。合之吳丹官兵。均分統率。以為王進寶趙良棟後繼。轉餉源源不絕。相隨而進。是月圖海即導。

旨統諸帥進攻四川。閏八月己丑。勇略將軍雲貴總督

趙良棟疏報。偽將軍海潮龍投誠。繳送劄印。欲

聯絡迤西一帶。身任前驅。請勅諸路將軍大臣。

速發官兵糧餉。以為接應。隨奉

聖祖諭。今進取雲貴。為期已近。大將軍公圖海等。趣所

調陝西兵往四川。九月戊寅。疏報。獲偽朱三太子楊

起隆。下刑部議覆。已獲楊起隆之妻馬氏。親隨

小厮小六兒。並原夥鄭得勝等。現在監禁。應將

楊起隆解部。與馬氏等認識審理。得

旨。如所奏行。十一月甲子。建威將軍吳丹疏言。蜀省諸要路。應增兵分守。尋奉

旨。大將軍圖海。身任疆場。署副都統希福。所率之兵。至漢中時。如何調遣。如何鎮守之處。聽其酌行。二十年正月。疏報逆賊併力來犯四川敘州諸處。請親率兵赴援。尋奉

諭旨。大將軍公圖海。既調副都統翁愛。率所部官兵。自成都往援敘州。總督哈占。總兵官高孟。又各率官兵赴敘。圖海其仍駐漢中防守秦蜀。冬。以疾還京。十二

月十九日。以太子太傅。都統三等公。議政大臣。中和殿大學士。兼吏部尚書。卒於位。明年二月

予祭奠。加祭二次。謚文襄。十一月丁巳。

聖祖諭吏部。殫心効職者。臣子之常經。贈爵酬庸者。朝廷之大典。

太宗文皇帝實錄告成。克昭一代之典章。永垂萬世之

模範。原任太子太傅。吏部尚書。中和殿大學士。都統

公圖海。曾為監修總裁官。著有勤勞。宜行追敘。著加

贈少保。仍兼太子太傅。爾部即遵諭行。二十二年五

月癸卯

聖祖復命立碑賜其墓云。朕撫御方夏。勤求治理。維茲  
丞弼之臣。協心毗贊。綏靖邦家。實倚賴焉。爾圖海東。  
贊忠愨。砥行端勤。密勿周旋。歷有年所。敬以事上。誠  
以持躬。淵鑒沈幾。克膺大任。自為都統時。嘗平荆楚。  
西山之亂。還入綸扉。贊襄匪懈。乃逆賊吳三桂。憑藉  
寵靈。煽動南服。一時群不逞之徒。囂然附和。察哈爾。  
孤負國恩。造釁構孽。爾以將軍副信郡王。祇承廟算。  
出關征討。膚功立奏。東服底平。繼以涇原騷動。西土

震驚。命爾為大將軍。以乘勝之師。廻戈西嚮。賊方肆  
其狂蹶。思與滇逆併力。惟爾以重臣建牙。遂得橫截  
秦隴。扼吭擣虛。逆勢窮蹙。始帖耳垂尾。復來効命。邇  
年以來。爾鎮撫三秦。威略大著。能使羣賊胆寒。則凡  
天戈所指。建者定之。成功者。惟爾勞勩為多。爵以上  
公。俾之振旅。方將復煩。以機務與之。講持盈保泰之  
理。共享隆平。至治。詎圖勤瘁之餘。溘焉殞逝。腹心失  
倚。深用盡傷。雖思卹有加。錫之嘉謚。而朕軫悼元老  
之心。則未有已也。爰命伐石。樹之墓道。使後有溯勳

舊之烈者。得以考焉。雍正二年。加贈為一等公。二月。

配享

太廟先期祭告文云。功臣圖海。歷事

累朝。忠勳夙著。祇遵

皇考昔年諭旨。配享

太廟。從祀春秋。今當孟春時享之期。安設文襄公圖海

牌位於西廡。涓吉具儀。虔申預告。尋

命建特祠。春秋致祭。其祠堂碑云。朕惟國家義重酬

庸。典隆眷舊。丹宸錫寵。已隆配享之文。紫綉揚芬。

更重專祠之祭。所以篤純臣。旌丕績也。爾圖海。賦

資誠慤。奉職公忠。入掌樞機。允副弼諧之任。出麾

旄鉞。屢成克敵之功。運籌而荒服蕩平。威宣閩外。

制勝而西陲底定。績奏師中。宜示褒揚。俾膺特祠。

輝煌棟宇。色映雲霞。璀璨綸絲。光生碑碣。屆春秋

之令序。薦黍稷之維馨。於戲。嘉乃壯猷。丕著優崇

之典。念茲元老。宏敷逾格之恩。式克欽承。昭茲來

許。先是陝西士民。感念舊德。奉神主崇祀。名宦祠

亦春秋致祭焉。子諾敏。襲三等公爵。仕至禮部

尚書。諾敏子馬爾賽。襲一等公爵。任至大學士。



